



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

Svbddivisio Secvnda Ex locis Novi Testamenti evidentibus.

urn:nbn:de:hbz:466:1-12221

SUBDIVISIO SECUNDA

Trinitas diversarum rerum ex Scripturis novi Testamenti, quod ad ea, quae mysterium Divinæ Triadis evidenter probant, conscripta; & tridistichis ad di-
ctum mysterium accommodata.

P R A E N O T A T I O .

Non solum Testamenti Scripturæ ex multis locis hactenus adductæ, Divine Trinitatis mysterium insinuant quidem, in multis etiam persuadent, quem admodum & SS. PP. in istum finem ad saepè dictum sacrosanctum mysterium eas applicant, illudque explicare student, non tamen expressè probant: omnes enim scripturæ, quas ad exemplum vel imitationem Augustini, Chrysostomi, Bedæ, aliorumque allegavimus, ita non possunt accommodari, quin & ad alium sensum magis genuinum deduci, ut probat Abulensis opusc. de SS. Trinit. initio. Et videtur providentissimus Deus pro veteri illo statu ita dispositusse, tum ob statu im- perfectionem, cum ob hominum ruditatem, nec non mysterij sublimitatem, ac in idolatriam populi proclivitatem: adeoque aperta revelatio mysterij hujus multis, vel omnibus vulgo, in ruinam & idolatriæ occasionem cessisset, dum ex pluralitate per-

L

sonarum

*sonarum, Deorum pluralitatem collegissent. Verum suscepta
lege Evangelicâ, prædictum mysterium impossibile est negare,
ut idem probat Abulensis loco cit. & Theologi apud D. Thom.
1. p. q. 31. & 32. & alibi. Ex eis itaque Scripturis quæ u-
num trinumque Deum evidenter probant, & necessario con-
vincunt, prius in hac subdivisione quædam Symbola profere-
mus, quam ad alia ex eodem novo Testamento procedamus, quæ
non ita accommodari possunt.*

SYMBOLUM I.

*Euntes Baptizate in nomine Patris & Filij & Spiritus Sancti.
Mar. 16.*

Gratia quanta sacris Domini promanet ab undis,
Effari linguâ, fingere mente nequis.
Corpus ut abluitur, vertex dum tingitur imbre,
Mens humana sacri Flaminis igne flagrat.
Ingreditur ter Sancta Trias, depellitur orci
Spiritus, ac animam gratia multa beat.

Nota. 1. Baptizare jussit in nomine Patris & Filij & Spiritus Sancti, id est, in confessione & Auctoris, & Unigeniti, & Doni. Auctor unus est omnium: unus est enim ingenitus Deus Pater, ex quo omnia; unus Unigenitus Dominus noster Iesus Christus, per quem omnia; & unus Spiritus, Donum in omnibus. Hil. de Trinit. lib. 2. in initio.

Nota. 2. Christus cùm Deus & homo sit, ut Deus honorem recipit, cùm Patre & Spiritu Sancto. Ut homo, illum defert. Detulit autem maximè, cùm in mundo prædicavit Trinitatem, & iussit baptizari omnes gentes in nomine Patris & Filij & Spiritus Sancti. ex S. Aug. lib. 3. contra Maxim. 5.

SYM-

SYMBOLUM 2.

Baptizatus autem Iesus confessim ascendit de aqua & ecce aperi-
ti sunt ei cœli, & vidit Spiritum Dei descendente sicut co-
lumbam; & vox de cœlis: hic est Filius meus dilectus in quo
mihi complacui Matth. 3.

Fulget ut in parvis Trias illustrata figuris,
In magnisve locum symbola rebus habent.

Ast ubi Jordanis Christi caput, imbre madescit,

(a) Labitur empyreis sedibus ipsa Trias.

Vox Patris insonuit, niveoque sub alite Sanctum

In Nati summo vertice Flamen adest.

(a) Dum dicit complacui, totam simul Trinitatem comprehendit, quia in homine Christo
tota complacuit Trinitas. Adria. 1. Epist. contra Eli. tractans illud Matth. 3. supracit.

SYMBOLUM 3.

Dixit Petrus ad Iesum, Domine bonum est nos hic esse. &c. ad-
huc eo loquente nubes lucida obumbravit eos, & ecce vox de
nube: hic est filius meus dilectus. Matth. 17.

Gratia Jordanis manasse probetur ab undis,
(a) In Thabor Triadis gloria monte micat.

In vultu rutilat (b) phœbei luminis ardor,

Vestimenta albent, candidiora nive.

[b] Hic Tria (si licitum est) figat tentoria Petrus:
Falleris, in Triadis monte locanda quies.

[a] Sicut mysterium Trinitatis Denino in Jordane baptizato declaratur, ita in monte
clarificato, quia quem in baptismō confitemur, in resurrectione collaudabimus: nam hic
Spiritus S. in nube lucida, illic in columba; quia qui nunc simpliciter corde fidem, quam
percipit, servat, tunc apertā luce contemplabitur, quod crediderat. Ven. Ecd. Matth. 17.
(b) v. 2. & 4. cap 17.

SYM-

SYMBOLUM 4.

*De eodem & tribus specialibus Christi discipulis Petro, Ioanne,
Iacobo. ibidem.*

[a] **T**Res in monte Thabor Christi speculantur hono-
Testantur Natum complacuisse Patri. (res,
Os sophiae verbumquè fluens audire jubentur,
Spargere per gentes postea munus erit.
Sanguine tres fuso Christi testantur amorem,
Nempe Patris verbum constat in ore trium.

(a) *Tres solum dicit secum Christus, vel quia multi vocati, pauci vero electi; vel quia hi qui nunc Sanctis Trinitatis fide sunt imbuti, in resurrectione ejus eterna visione merentur latari. Ven. Beda.*

SYMBOLUM 5.

*Domine ostende nobis Patrem & sufficit nobis. Philippe qui vi-
det me videt & Patrem, quia ego in patre, & Pater in me
est. Ioan. 14. quibus verbis significatur intima & perfecta
inhabitatio unius personæ S. Trinit. in aliâ, & e contra,
quam Theologi circummissionem uocant. Ita comment. com-
muniter. Olim dicebatur Deo: tuus est homo, nunc dicitur ho-
mini: tuus est Deus. O homo si tu sufficiis Deo, sufficiat tibi
Deus. Ex S. Cypr.*

NOmino si Patrem, Triadem dixisse videbor,
Filius ut desit, definit esse Pater.
Non poterit Natus fingi sine Patris amore,
Spiritus est Nati nexus amorquè Patris.

Jure

Jure rogas, ostende Patrem, meritòquè Philippe
Sufficit hic nobis (a) sufficit omne bonum,

(a) *Dat seipsum nebis Deus, & sufficit nobis. Nolite timere inopiam, si Deus se det nobis, sufficit nobis. Si dives Deum non habet, quid habet? Beda 1. Cor. 2. & alibi, super illud Philippe qui videt me videt & Patrem: non quod ipse sit & Pater & Filius, quod in Sabellianis, qui vocantur etiam Patri-passiani, catholica fides damnat, sed quod tam similes sint Pater & Filius, ut qui unum norit, ambos noverit, Sicut de duobus simillimis dicimus: vidisti illum? vidisti hunc: nam nisi duo essent Pater & Filius, non diceretur si cognovissetis me & Patrem meum cognovissetis &c.*

S Y M B O L U M 6.

Cum venerit Paracletus quem ego mittam a Patre meo, ille testimonium perhibebit de me. Ioan. 15.

Lapsus in hunc orbem, veneris, cum venerit, ofor
Spiritus, intactæ mentis amator erit.

(a) A Patre mequè simul mittetur, utriquè coœvus,
Testis erit vitæ cum Deitate meæ.

Doctor erit veri, falsi convictor & hostis.

Perfidiae poenas vilis Apella dabis.

(a) *Pater Filium misit & Spiritus. Spiritum quoquè & Pater misit, & Filius. Pater misit, quia scriptum est: Paracletus autem ille Spiritus S. quem Pater mittet in nomine meo. Filius misit quia dixit: cum venerit autem Paracletus quem ego mittam vobis a Patre meo Spiritum Veritatis. Si ergo se invicem Filius & Spiritus mittunt, sicut Pater mittit, non subjectionis injuria, sed communitas potestatis est. Ex Ambroso de Spiritu S. lib. 3. cap. 1.*

S Y M B O L U M 7.

Tres sunt qui testimonium dant in Cœlo: Pater, Verbum, & Spiritus S. & hi tres unum sunt. 1. Ioan. 5.

Testatur Genitor charum super omnia Verbum,
Se Verbum, charus Filius, esse Patris.

Spiri-

Spiritus ignitis effusus ab æthere linguis,

(a) Unum testatur Numen inesse tribus.

Verior unde fides possit vel major haberis?

Messias testis, Spiritus, atque Pater.

(a) Unde bene dicitur, unum sunt, non unus. Vide Hil. lib. 7. de Trin. Et Dion. de Div. Nom. cap. 2. Divinas personas, dicit, esse conjunctas in unum discretè, & discretas conjunctim.

SYMBOLUM 8.

Deus ex quo omnia, per quem omnia, in quo omnia. Rom. 11.

Simile est ad Eph. 4. in istis verbis. Deus &c. qui est super omnia, per omnia, in omnibus.

P Rincipium Pater est, perstat quo conditus orbis,

Per quem, nì per te Nate redemptus homo?

In quo delicium mentis, sincera voluptas,

Pax animi? in Sancto Pneumate sola quies.

(a) Ex quo, per quem, in quo sunt omnia, trinus & unus
Est Deus, est rerum (b) finis, origo simul.

(a) Cum dixisset Apostolus ex quo omnia &c. Trinitatem insinuasse creditur: nec tamen subjecit, ipsis gloria, sed ipsi. Pater non habet Patrem de quo sit, Filius autem de Patre est, ut sit, atque ut illi coeternus sit. Imago enim si perfectè implet illud, cuius est imago, coequatur illi, & non illud imagini sue &c. Ille igitur ineffabilis quidam complexus Patris & imaginis non est sine perfectione, sine charitate, sine gaudio. Illa ergo dilectio, delectatio, felicitas vel beatitudo (si tamen humana aliquā voce dignè dicitur) est in Trinitate Spiritus S. non Genitus, sed Genitoris, Genitique suavitas, ingenti largitate profundens omnes creaturas pro captu earum, ut ordinem suum teneant, & acquiescent. Trinitas hac unus Deus ex quo omnia, per quem omnia, in quo omnia. Ven. Beda Rom. 11. (b) Ise. 41.

SYM.

SYMBOLUM 9.

*Gratia Domini nostri Iesu Christi, & Charitas Dei, &
communicatio S. Spiritus &c. 1. Cor. 13.*

Gratia parta tuis o Christe doloribus; an non
Manat inexhausto cordis amore tui?
[a] Fonte Patris pariter meritorum hæc traxit abyssus
Principium, flumen Flaminis inde fluit.
Fundit amor Patris, Nati tormenta merentur,
Partitur Flamen, participesquè facit.

(a) *Una pax, una gratia Patris & Filii & Spiritus S. Ambr. de S. Spiritu lib. 1. cap 11.
ad Gratianum Aug. Et iterum: nec solum pacem, & gratiam legimus Patris & Filii &
Spiritus S. sed etiam charitatem & communionem fidelis Augustie. Amb. ibidem.*

SYMBOLUM 10.

In salutationibus Paulinis Tria memorantur.

Pule ter optatas scripto vel voce salutes
Si geminas, (a) Triadis nomine semper eunt.
Gratia per natum, per larga fluenta cruoris;
Pax datur a bellum dissoluente Patre
Optentur (pax nulla datur) vel mille salutes,
Nec nisi per sanctum gratia Flamen, Amen.

(a) *Salutationes Paulina Trinitatem insinuant per gratiam & pacem a Deo & Domi
no nostro Iesu Christo: quia non est gratia & pax, nisi in Spiritu S. Aug. tom. 10. fol. 280*

Nota. 1. Denotatur etiam SSS. Trinitas ad Tit. 3. his verbis: apparuit benignitas & humanitas saluatoris nostri, puta Patris; qui saluos nos fecit per lavacrum regenerationis & renovationis Spiritus S. quem effudit in nos abundè per Jesum Salvatorem nostrum. Ubi dislinguitur Filius a Patre & consequenter tres personæ distinctè notantur. Ex S. Hieron. iii cap. 3. ad Tit. & alijs Patribus.

Nota. 2. Humanitas seu philanthropia, benignitas, charitas ad Tit. 3. sicut & 2. Cor. 1. aptè attribuitur Deo Patri, gratia & saluatio Filio; renovatio regeneratio, communicatio Spiritui S. præsertim in opere salutis nostræ quia a Patre, Patrisque charitate & benignitate cœpit nostræ redemptionis exordium, qui sic dilexit mundum, ut Filium suum unigenitum daret. Per Filium venit gratia; utpote qui nos nihil promeritos, imo male meritos suū morte redeinit, omnemque gratiam promeruit. Gratiae vero, gratiæque donorum distributio, communicatio, & participatio per Spiritum S. facta est. Hinc Ambros. explicans illud 2. Cor. 1. gratia Domini nostri Jesu Christi, &c. Trinitatis, inquit, hæc complexio est, & unitas potestatis, quæ totius salutis perfectio est: dilectio enim Dei misit nobis saluatorem Jesum, cuius gratia saluati sumus, & ut possideamus hanc gratiam salutis, communicatio facit Spiritus

SYMBOLUM II.

Quoniam per ipsum (scil. Christum) habemus accessum ad Patrem in uno Spiritu. Eph. 2.

T'Erreno tua vota volens depromere Regi,
Nescius es moris, clausus esque foris.
Clavigerum quæres, opus est ductoris ad aulam,
Is referat, (a) cunctis imbuit ille, modis.
Ad Patrem trepidas? Natus tibi claviger esto,
Spiritus at Doctor, Ductor eritque tuus.

(a) Alle mode, ut hodie in aulis.

Nota. Alludimus ad Reges, ad quos non patet accessus nisi per principes, qui sunt Regi a cubiculis, gestantque clavem auream regij cubiculi, qui que ingressuris procurant ductorem & instructorem ut sciant quo gestu, reverentiâ, formâ, modo debeant alloqui & compellare Regem; Ita in aulâ Dei Rex est Pater, Princeps parans aditum Christus, Ductor est Spiritus S.

SUB-